

永樂大典

卷二千三百九十
九

永樂大典卷之二千三百九十九

六模

蘇 蘇轍

蘇頌濟年表左奉議郎賜緋魚袋孫汝聽編仁宗寶元二年己卯二月丁亥蘇轍生轍字子由一字同舒眉山人老蘇先生之季子其世家已具老蘇先生表中 康定元年庚辰 慶曆元年辛巳 二年壬午 三年癸未 四年甲申 五年乙酉 六年丙戌 七年丁亥 五月乙酉轍祖父序卒 八年戊子父洵以家難閉戶讀書因以行學校二子曰是庶幾能明吾學者 皇祐元年己丑 二年庚寅 三年辛卯 四年壬辰 五年癸巳 至和元年甲午 二年乙未 轍娶史氏年十五父曰崔嘉祐元年丙申是春轍父子三人同游京師過成都謁知益州張方平方平一見待以國士 七月癸巳以侍御史范師道開封府判官祠部郎中直祕閣王疇祠部員外郎集賢校理胡俛屯田員外郎集賢校理韓彦太常博士集賢校理王瓘太常丞集賢校理宋敏求考試開封舉人轍中其選明年登第後有謝秋試官啓 二年丁酉轍兄弟試禮部中第 三月辛

永樂大典卷之二千三百九十九

一

巳上御崇政殿試進士丁亥故章所以下及第出身轍中第五中有上韓琦樞密書 四月癸亥轍母武陽縣君程氏卒于家轍父子還蜀 三年戊戌 四年己亥十月侍父遊京師十二月至江陵集舟中所為詩賦一百為南行集 五年庚子自江陵至京師途中所為詩賦又七十三篇為南行後集轍有南行後集引 三月以選人至流內銓天章閣待制楊岐調銓之官吏轍授河南府澠池縣主簿改謂轍曰聞子求舉直言若必無人敢願備數於是舉轍應才識兼茂明於體用科兄弟寓懷遠驛十一月歐陽永叔為樞密副使有賀啓 六年辛丑有上富弼丞相曾公亮參政及兩制書 八月丁卯會翰林學士吳奎龍圖閣直學士楊岐御史中丞王疇知制誥王安石考試制科舉人于祕閣 乙亥上御崇政殿策試制科人時上春秋高始倦於勤轍因所問極言得失復考官司馬光第以三等功考官胡宿爭不可光與范鎮議以轍為第四等蔡襄曰吾三司使也司會之言吾愧之而不敢怨惟胡宿以為不遜乃請黜之詔差官重定司馬光奏臣近蒙差赴崇政殿後覆考應制舉人試卷內同范兩執所對策辭理俱高絕出倫輩然范所對命秩之差虛實之相養等一兩事與所出差舛臣遂與范鎮同議以圓為第三等范為第四等詳定官已定從復考

永樂大典

卷三九九

竊知初考官以為不當，朝廷更為差官重定，復從初考以摺為不入等。臣竊以國家置此六科，本欲取材識高遠之士，國不以文辭華靡記誦雜博為賢。臣所試文辭，臣不敢言，但見其指陳朝廷得失，無所顧慮，於四人之中最為切直。今若以此不蒙甄拔，則臣恐天下之人皆以為朝廷虛設直言極諫之科，而後以直言被黜。從此四方以言為諱，其於聖主寬明之德，虧損不細。臣區區所憂，正在於此，非為臣已考為高等，苟欲遂非取勝而已也。伏望陛下察臣愚心，特收摺入等，使天下之人皆曰：摺所對事目，雖有漏落，陛下特以其切直收之，豈不美哉！既而執政以摺所試進呈，欲黜之，上不許，曰：其言切直，不可棄也。乃降一等收之，即摺也。已卯，以摺為試秘書省校書郎，充商州軍事推官。制曰：朕奉先聖之緒，以臨天下，雖夙寤晨興，不敢康寧，而常懼躬有所闕，羞于前烈。日御便坐，以延二三大夫，垂聽而問，而摺也指明其微，甚直不阿，雖文采未極，條貫靡究，亦可謂知愛君矣。朕親覽見，獨嘉焉。其以摺為州從事，以試厥功。克慎爾術，思永脩譽。時知制誥王安石、意轍、古宰相專攻人主，比之谷永，不肯撰詞。宰相韓琦笑曰：此人策語謂宰相不足用，欲得婁師德、郗慮倭而用之，尚以谷永疑之乎？知制誥沈道亦考官也，知其不然，故當制有愛君之言。諫官楊敞見

永樂大典卷三九九

二

上曰：蘇轍臣所薦也。陛下赦其狂直而收之，盛德之事也。已宣付史館。上悅從之。轍有謝制科啓。是時父洵被命編脩禮書，而兄執出發書鳳翔判官，傍無侍子。轍乃奏乞養親，詔從之。十二月，執赴官。十九日，與轍別於鄆州西門外。有辛丑除日，寄子瞻詩。七年壬寅，次韻子瞻賦降諸縣囚徒事畢，登覽詩。四月，諫議大夫楊敞卒。年五十六，有哀詞。八月乙亥，伯父利州路提點刑獄洪卒。年六十二。次韻子瞻秋雪見寄詩。次韻子瞻記歲暮鄉俗三首。有新論三首。八年癸卯，有記歲首鄉俗寄子瞻二首。寒食前一日，有寄兄詩。三月辛未，仁宗崩。六月庚辰，洪夫人楊氏卒。有挽詩。英宗治平元年甲辰，四月晦日，有題上清宮辭。後十二月，執自鳳翔解官歸京師。二年乙巳，轍為大名府留守推官。有謝韓丞相啓。奉差官勾大名府路安撫總管司機宜文字。有北京送避曼叔屯田權三司開拆司詩。有中秋夜八絕。冬，有留守王君貺生日詩。三年丙午，春有送陳安期都官詩。二月，有寒食贈游歷沙諸君詩。四月戊申，父洵卒於京師。年五十八。轍兄弟自汴入淮，沂于江歸。十二月入峽。四年丁未，正月丁巳，英宗崩。十月壬申，葬父彭山縣安鎮鄉。可能里。神宗熙寧元年戊申，冬，轍兄弟免喪東遊京師。二年己酉，春，至京師。二月甲子，奉知

政事王安石知樞密院陳升之同制置三司條例三月繳上書論事丙
 子上批付中書曰詳觀疏意知繳潛心當世之務頗得其要務於下僚使
 無所伸誠亦可惜即日召對延和殿與未以繳為制置三司條例司檢詳
 文字安石急於財利而不知本呂惠卿為之謀主繳議事率不合因以書
 抵安石指陳其事之不可行者安石大怒欲加以罪升之止之八月庚
 戌繳上言每於本司商量公事動皆不合臣已有狀申本司其述所議不
 同事乞除一合入差遣上問所以履繳曾公亮奏欲與堂除差遣上從之
 以繳為河南府留守推官乃定制兼登科者不復試館職皆送審官與合
 入差遣自此始癸丑以三司度支副使蘇寀為集賢殿脩撰知梓州有送
 蘇公佐詩三年庚戌正月九月差充省試點檢試卷官二月戊午觀
 文殿學士新知河南府張方平知陳州方平奏改辟繳為陳州教授有初
 到陳州詩二首八月丙戌知成都府陸詵卒有陸介夫挽詞九月呂
 陶中賢良方正科有代方平答陶器有代張方平論時事書十二月王
 安石同平章事四年辛亥六月甲子歐陽脩以太子少師致仕有賀
 脩啓有陪歐陽公燕潁州西湖詩有次韻子瞻潁州留別詩八月戊寅
 張方平除南京留臺有送方平詩九月知利誥直學士院陳襄知陳州

宋史卷三百九

三

繳有迎襄啓十二月次韻子瞻初到杭州見寄二首五年壬子六月
 曾公亮致仕繳有賀啓閏七月二十三日歐陽文忠公脩卒有祭文并挽
 詞三首八月同頌起等於洛陽妙覺寺考試舉人及畢事共得大小詩
 二十六首六年癸丑二月重到潁州有寄執詩二首甲申有次韻二
 月十日雪詩四月樞密使文彥博罷以守司徒兼侍中判河陽彥博辟繳
 為學官繳有謝啓已而改齊州掌書記有自陳通齊戲題詩九月尚書
 右司郎中知登州李師中來知齊州十月有京西北路轉運使題名記
 七年甲寅二月己巳朔以李師中為天章閣待制知瀛州有師中燕別
 西湖詩序并送師中赴瀛州詩四月壬辰以知青州右諫議大夫李肅
 之知齊州有代肅之到任謝上表有送青州簽退翁致仕還湖州詩九
 月丙申有和青州教授頌起九日見寄詩有和子瞻喜虎兒生詩十一
 月辛亥有洛陽李氏園亭記八年乙卯有和劉敏殿丞送春趙至鄧推
 首夏詩有遊太山詩四首有萍泉詩有閔子廟記及次韻徐正權謝示閔
 子廟記及惠紙詩六月辛亥史部尚書同平章事昭文館大學士王安
 石授尚書左僕射兼門下侍郎同平章事以脩詩書周禮義舉推恩也繳
 有東方書生行九年丙辰二月辛丑李肅之提舉南京鴻慶宮以病

自請也。有和李常赴歷下道中雜詠十二首。九月有次韻李常九日見約以疾不赴詩。十月宰相王安石罷。輟歸京師。有自齊州回論時事書。十二月辛亥。有次韻范鎮除夜詩。十年丁巳正月八日。有王氏清虛堂記。有次韻范鎮正月十二日訪吳鎮寺丞二絕。輟以舉者改著伴佐郎。有謝啟。二月癸巳。以張方平為南京留守。方平辟輟簽書。應天府判官。有謝方平啟。時輟亦得徐州。兄弟相遇於澧澗之間。相從至徐。留百餘日。有逍遙堂會宿等詩。有漢高帝廟試翻石銘。有漢高帝廟祈晴文。徐州大水。九月。輟自徐至南京。有寄王華詩。有九日送交代劉勢詩。十月甲辰。祀南郊。大赦天下。有代方平免陪祀表。賀南郊表。并謝加恩表。有除夜會飲南湖懷筆詩。張方平請老。拜東太一宮使。就第。以龔鼎臣知應天府。元豐元年戊午。正月。有次韻王華上元閑遊見寄三首。二月。寒食。有遊南湖詩三首。五月。己卯。知應天府龔鼎臣為右諫議大夫。知青州。有代禹臣謝知青州表。有送龔諫議知青州詩二首。戊戌。復舉醴泉觀兵部郎中陳汝羲知應天府。有代謝上表。有送林子中。安厚卿奉使高麗詩。七月。癸巳。同李倅鈞訪趙副恭。留飲南園。晚衙先歸詩。有秋祀高辛詩。有答陳州陳師仲書。八月。丙辰。有中秋見月寄兒詩。九月。有黃樓賦。有

永樂大典卷三三九九

次韻張恕九日寄兒詩。有次韻頌起試徐沂舉人見寄詩二首。二年己未。正月。丁丑。有次韻軾人日獵城西詩。己丑。資政殿大學士知杭州趙抃。以太子少保致仕。有賀抃啟。庚寅。新知湖州文同卒於陳州。有祭與可文。二月。丁巳。以軾知湖州。有和軾自徐移湖州。將至宋都途中見寄五首。四月。三日。有古今家誠序。有代張方平乞致仕表。七月。甲戌。以宣徽南院使東太一宮使張方平。為太子少師。宣徽南院使致仕。有代方平謝表。八月。軾下御史臺獄。輟上書乞納在身官。贖兄罪。不報。十二月。癸亥。軾責授水部員外郎。黃州團練副使。輟亦坐貶監筠州鹽酒稅。三年。庚申。自南京過筠。有過龜山詩。高郵別秦觀詩。揚州五詠。遊金山詩。初至金陵詩。池州蕭丞相樓詩二首。過九華山詩。佛池口遇風雨詩。五月。至黃州。有陪軾遊武昌西山詩。六月。有自黃州還江州詩。有遊廬山詩。南康阻風遊東寺詩。圭筠。有次韻筠守毛維瞻司封觀脩城三首。八月。乙巳。有中秋對月二首。于瞻次夜字韻。九月。戊辰。有次韻毛君九日詩。辛未。毛田郎劉渙疑之卒。有哀詞。十二月。丙寅。有東軒記。四年。辛酉。五月。癸巳。有廬山新脩僧堂記。六月。壬申。有聖壽院法堂記。七月。甲午。有吳氏浩然堂記。有送王適徐州赴舉詩。八月。有試院唱酬十一首。

永樂大典

九月有聖祖殿記。十二月有黃州師中庵記。五年壬戌有上高縣學記。有送毛君司封致仕還鄉詩。六年癸亥正月丁丑朔有次韻王適元日并示曹煥二詩。閏六月有次韻王適大水詩。四月丙辰朔中書舍人曾鞏卒有挽詞。七月丙辰國子司業朱服言諸州學或不置教授乞委長史選見任官兼充先以召上禮部從本監體驗可為教授即依所乞其餘逐州舊補差教授悉乞放罷仍錄進職權筠州教授所撰策題三道以其乖戾經旨禮部言見為教授人候有新官令罷其蘇轍乞令本路別差官兼管勾從之有次韻賈蕃大夫思歸詩八月有庭中種松竹詩。九月癸酉有書事詩十一月壬寅朔有黃州快哉亭記十二月文彥博致仕轍有賀啟。庚子有除夜詩。七年甲子正月乙卯有上元夜詩并次韻王適上元夜二首。二月有次韻王適一百五日太平寺看花二絕子瞻自黃移汝。三月癸卯有次韻子瞻特來高安相別却寄邁迨過遊詩并和端午日與運迨遠三子遊真如寺詩次韻子瞻贈別詩七月乙丑執切子遊舟有勉子瞻失幹子詩二首九月以轍為欽州續淡令謝洞山石臺遠來訪別乘小舟出筠江詩除夜宿彭蠡湖有遇大風雪詩。八年乙丑正月丙申朔有正旦夜夢李志寧詩并舟中風雪五絕。己酉有南康軍

永樂大典卷三千三百九十九

五

直節堂記并太守宅五老亭詩有再遊廬山詩至績溪有謁城隍神孔子廟志視事三日有出城南謁二祠游石照寺詩有縣中諸花多交代江汝明所種牡丹已過芍藥方開詩。三月戊戌神宗崩哲宗即位己亥大赦天下有代欽州賀登極表轍始至邑適有朝旨汪東諸郡市廣西戰馬江東素乏馬每縣雖不過十餘匹而諸縣括民馬吏緣為姦有馬之家為之騷然轍謂縣尉郭博惠曰廣西取馬使臣未至事忌太遽徐為之備可也邑款為有馬者博惠曰邑有連馬簿歲月遠矣然有無之實尚得其半也即取簿封之。又曰何從得馬牙人予曰召鄉耆老者詰之則馬牙出矣果得曹人市馬者辭以不能曰吾不責汝以馬但為我供文書耳曰諸州符日至縣督責買馬乃以夏稅過期為名召諸鄉保正副驥問之曰汝保誰為有及格馬者相顧辭不知曰保正副不知誰則知之第勿以有為無以無為有則免罪矣汝等所具吾將使人訴其不實而陳其脫略者不可不實也人知不免皆以實告復諭之曰買馬事止此矣廣西取馬者至郡則馬出若不至則已矣皆再拜曰邑人幸矣然取馬者卒不至。五月轍卧疾至秋良愈有病退詩有病後白髮詩。八月戊午資政殿學士司馬光為門下侍郎丁卯以轍為秘書省校書郎有初得校書郎示同官三絕有

永樂大典

卷二二九九

答王定國問疾詩。有辭靈惠廟歸過新興院詩。過相慶。有游桐君山寺詩。
 十月己巳。有游杭州天竺寺詩。丁丑。以報為右司諫。哲宗元祐元年
 丙寅。轍至京師。二月癸酉。有論臺諫言事。留中不行狀。甲戌。有久旱乞
 放民間積欠狀。乙亥。有論罷免役錢。行差役法狀。丙子。有送陳睦出
 守潭州詩。癸未。有論蜀茶五害狀。丙戌。有乞選用執政狀。閏二月乙丑
 朔。有乞罷左右僕射蔡確韓琦狀。庚寅。確罷為觀文殿大學士知陳州
 以門下侍郎司馬充為右僕射。是日有乞罷蔡京知開封府狀。士厚。轍言
 陛下以久旱憂禱勤至。自冬歷春。天意未答。災害廣遠。又近歲民苦重斂
 儲積空匱。應官債負。有資產耗竭。實不能出者。今州縣監司保明除放。使
 民心既附。詔戶部勘會諸欠官本息。罰錢并免役坊場淨利錢數目。及民
 戶見有無抵當物力。具保明以聞。甲午。右諫議大夫孫覺同轍進對。有
 旨俟簾下內臣盡出。方敷奏。是日有乞罷右僕射韓琦劄子。士厚。有乞
 招河北保甲充軍以消盜賊狀。癸卯。有差役五事狀。甲辰。有乞罷降
 韓琦狀。丙午。轍言竊見近日以蜀中賣鹽權茶及市易比較為人疾苦。委
 成都提點刑獄郭舉體量事實。臣觀此三事利害易見。而蔡畏憚茶官陸
 師閔不敢侷限體量。足以見其意在拖延。始因提舉官韓玠收息增羨。舉

永樂大典卷二二九九

六

以韓玠叔祖。見任右僕射。意欲趨附。妄言韓玠不曾以戶口比較息錢。
 又代說詞理。已在故前。舉謂朝廷不合相慶。赦前之事。附下罔与乞罷。然
 郭舉別委官體量。詔郭舉特差督其賣鹽市易。令黃廉先次體量。詣實以
 聞。有乞罷章惇知樞密院狀。并乞奉復英州別駕鄭俠狀。庚戌。知開封
 府蔡京出知成德軍。辛亥。有廢官水磨狀。并乞葬埋城外白骨狀。是日
 章惇罷知汝州。壬子。有乞賑救淮南飢民狀。甲寅。有乞罷蔡京知真定
 府狀。丙辰。有乞罷安燾知樞密院狀。三月己未。有再論安燾狀。乙
 丑。有論發運司以糶米代諸路上供狀。丁卯。有乞責降韓琦第七狀。壬
 申。有乞責降韓琦第八狀。甲戌。有乞給還京西水櫃所易民田狀。庚
 辰。有論三省事多留滯狀。四月己丑。右僕射韓琦罷知鎮昌府。庚寅。
 有言科場事狀。丙申。有招畿縣保甲充軍狀。庚子。有乞令戶部設法
 所會議狀。己酉。有乞禁軍旦教狀。壬子。有乞差官與黃廉同體量蜀
 茶狀。乙卯。有乞以發運司米救淮南飢民狀。五月壬戌。有論明堂神
 位狀。甲子。有乞借常平錢買上供及諸州軍糧狀。丁卯。有論蔡京知
 開封府不公第五狀。乙亥。有乞誅竄呂惠卿狀。丁丑。有再乞差官同
 黃廉體量茶法狀。壬午。有再言役法劄子。乙酉。有乞責降呂和卿狀。

六月己丑。有乞兄子邁罷德興付狀。甲午。有再乞罪呂惠卿狀。戊戌。呂和卿責知台州。庚子。有論青苗狀。壬寅。資政大學士正議大夫提舉西京嵩山崇福宮呂惠卿落職降中散大夫光祿卿分司南京蘇州居住。甲辰。有三論差役狀。丙午。有論呂惠卿第三狀。辛亥。再責惠卿為建武軍節度副使建州安置不得簽書公事。甲寅。有論蘭州池狀。七月壬戌。有再論蘭州池狀。甲子。有論京畿保甲冬教等事狀。甲戌。有論西邊警備狀。己卯。有再論青苗錢狀。壬午。有乞放市場欠錢狀。癸未。以刑部郎中杜紘為右司郎中。甲申。有言淮南水潦狀。八月丙戌朔。有乞罷杜紘右司郎中狀。丁亥。有論差除監司不當狀。己丑。有乞罷青苗錢狀。拜申三省狀。辛卯。詔諸路提刑司自今後常平司錢穀合州縣依舊法糶糴。其青苗錢更不依散。壬辰。有再言杜紘悖於已。有言張璪劄子。請罷右職縣尉劄子。論戶部侍郎張頴劄子。丙申。有再言張璪狀。丁酉。有言張頴第三狀。己亥。有言責降官不當帶觀察團練使狀。癸卯。有言張頴第四狀。甲辰。以鞞為起居郎。有辭免二狀。丙午。有論傅克俞等。謂司馬光為司馬相公狀。戊申。有言張頴第五狀。辭起居舍人第二狀。辛亥。有申三省論張頴狀。鞞權中書舍人。九

永樂大典卷三十三百九十九

月己卯。中書侍郎張璪罷知鄭州有制。十一月丙子。鞞召試中書舍人。戊寅。制曰。在昔典謨訓誥誓命之文。為體不同。而其旨無二。學者宗之。以為大訓。蓋當是時。豈特經紀法度。復世有不能及哉。至於左右言語之。皆聖人之法。亦非後世之士所能摹擬也。斯道未墜。得人則興。庶幾先王朕躬有志。其官其學。有家法。名重天下。高文大冊。為國之光。追遠古風。有望於汝。矧夫身備近侍。職在論思。位于西臺。實與政事。以爾器識。足以輔余不及。以爾諒直。足以行其所知。兼是數長。朕命惟允。任重于已。責難於君。在爾勉之。以永終譽。可。中書舍人有辭免狀二。謝表二。十一月戊午。尚書右丞呂大防為中書侍郎。御史中丞劉摯為尚書右丞。鞞有大防摯制。十二月丁亥。有論梁惟簡除送郡刺史不當狀。庚寅。有不撰葉康直秦州告卷二年丁卯。正月辛巳。以給事中顧臨為河北都轉運使。有送臨詩。五月己巳。太師文彦博等言。伏奉詔旨。以時雨愆期。大皇太后陛下憂閔元元。側身脩躬。自貶薄。以奉天戒。權侍受冊之禮。今時雨澤注。二麥既登。秋稼有望。正名定位。義不可僭。謹據太史局選定八月初四。崇王徽號。不許。鞞有請大皇太后受冊表。戊申。尚書左丞李清臣。以資政殿學士知河陽有制。辛未。集賢殿脩撰知陳州鮮于侁。有子駿哀

詞。七月辛未。有門下侍郎韓維為資政殿大學士知鄆州制。八月丁未。熙河蘭會路經略司言。今月十九日。岷州行營將官種誼收復洮州。擒西蕃大首領鬼章。戊申。宰相奉百官賀于延和殿。鞞有賀表。有論西事狀。九月甲子。以講論語終篇。賜宰臣執政經筵官。宴于東宮。鞞有謝講論語賜宴表。十月。以奉安神御於西京。鞞先吉裕陵。士于。還過鄆州。列子觀。有御風辭一首。甲辰。有游師雄除陝西路轉運判官制。十一月甲戌。以鞞依前朝奉郎試戶部侍郎。有辭免劄子。并謝表二。言者論買撲場務。令自熙寧初。至元豐末。多有四界。少者三界。緣有實封。投狀。添價之法。小民爭得務勝。不復計較利害。自始至末。添錢多者。至十倍。由此破蕩家產。傷厚俸戶。猶不能足。父子流離。深可閔卹。乞取界內。酌中一界為額。除元額已足外。其元額雖未足。而於酌中額得足。並與釋放。唯未足者。依舊催理。及酌中額而止。鞞善其說。奏請施之天下。欠戶蒙賜者。不可勝數。十二月戊申。宿齋于右曹。三年戊辰。正月己酉朔。有三絕句寄鞞。辛亥。祈穀。三月丙辰。韓康公絳卒。有挽詞三首。丁未。上東試進士。戊午。策試武舉于集英殿。以鞞及王欽臣等為考官。鞞有廷試武舉策問一首。有次韻欽臣集英殿并詩。己巳。賜進士及第出身。有考試罷詩二。

永樂大典卷三千九百九

首。四月戊寅。以文思副使兼閤門通事舍人高士敦為成都府利州路兵馬鈐轄。有送士敦詩。五月丙子朔。文德殿轉對。有論事狀。有詩。六月癸卯。以承議郎程之元為江南西路轉運判官。有送之元奉使江西詩。丙辰。以朝請大夫考工郎中周尹知梓州。有送尹兼商呂陶二絕。九月辛亥。以御史中丞孫覺拜鞞。中書舍人彭汝礪秘書正字張績考試制科舉人。有呈同舍諸公二首。有次韻續院中感懷一首。十一月癸卯朔。有次韻鞞旦日鎖院賜酒及燭詩。有蔡范素仁文。四年己巳。正月癸巳。知鄆州王克臣卒。有挽詞。二月甲申。司空中園公呂公著卒。有呂司空挽詞三首。六月辛丑朔丁未。以鞞為吏部侍郎。有辭免劄子。辛亥。以鞞為翰林學士知制誥。有辭免劄子。謝宣召狀。謝賜對衣金帶鞍馬。謝敕設狀。八月辛丑。以鞞及刑部侍郎趙鼎君錫為賀遼國生辰國信使。己未。范鎮募汝州襄城縣。子百歲百歲附馬。鞞有蜀公挽詞三首。百歲百歲挽詞二首。辛酉。撰大皇太后將來明堂禮成。罷賀。賜門下手詔。九月丙子。有將使契丹。九日對酒懷子瞻兄。并示坐中詩。戊寅。上齋于垂拱殿。百官齋于明堂。己卯。薦饗景靈宮。庚辰。齋于垂拱殿。有皇帝宿齋明堂。問大皇太后。皇太后。皇太妃。皇體答書六首。辛未。大享明堂禮畢。御宣。

永樂大典 卷三千九百九

德門肆赦。有皇帝謝禮畢。太皇太后。皇太后。皇太妃。各書有宰相呂大防。皇伯祖叔祖。皇弟。并馮京。劉昌。作加恩制。有歐陽文忠公夫人薛氏墓誌銘。十月戊戌。轍進呈神宗皇帝御集。命宰執觀讀。呂大防請許數篇。太皇太后泣下。一十五日。轍婚王適音。轍至契丹。虜主以其侍讀學士王師儒館伴。師儒稍讀書。能道轍父兄所為。文曰。恨未見公全集。然亦能誦。服從恭賦等。虜中愛敬之。轍君錫使還過相州。有祭韓中獻公文。五年庚午。有王子立秀才文集引。二月庚戌。太師文彥博除開府儀同三司。河東節度使致仕。有除彥博制。有河東官吏軍民示諭教書。有送彥博致仕還洛詩三首。三月壬申。以尚書左丞韓忠彥同知樞密院事。以翰林學士丞旨蘇頌為尚書右丞。有賜忠彥頌辭。免不允。詔有賜知樞密院孫固乞致仕不許。不允。詔。已卯。以知亳州鄧温伯為翰林學士丞旨。四月。有乞罷五月朔旦朝會劄子。上從之。丁巳。轍有太皇太后。皇帝。以早賜門下避殿減膳。罷五月朔旦朝會劄子。上從之。辛酉。有除馮京司空。彰德軍節度使。再任知大名府制。有彰德軍官吏軍民示諭教書。五月。己巳。有端午帖子二十五首。乙亥。群臣詣闕門拜表。請御正殿。復常膳。有不許。不允。批。答。自是四上表。乃從之。壬辰。以轍為龍圖閣直學士。御

史中丞。有辭免劄子。并謝表。六月辛丑。以禮部侍郎陸佃權禮部尚書。兵部侍郎趙彥若權兵部尚書。轍有論執政生事劄子。有分別邪正劄子。自元祐初。革新庶政。至是五年矣。一時人心已定。惟元豐舊黨。分布中外。多起邪說。以搖撼在位。呂大防及中書侍郎劉摯。尤畏之。遂建言欲引用其黨。以平舊怨。謂之調臺。宣仁后疑不決。轍於延和面論其非。退復再以劄子論之。反復深切。宣仁后命宰執於簾前讀之。仍俞之。曰。蘇轍疑吾君。臣遂兼用邪正。其言極中理。諸公相從和。是參用邪正之說。袁美。八月丙辰。轍言新除知荊州王光祖。不。雷。詔。以光祖為太原府路總管。九月八月。有論役法五事劄子。十月己酉。以徐君平。虞策。並為監察御史。從轍薦也。又言新除知順安軍王安世罪狀。詔罷為京西南路都監。其違法事。令都水監依條施行。癸丑。轍有裁損待高麗事件劄子。從之。乙卯。龍圖閣學士滕元發卒。轍有乞優卹元發家劄子。十二月辛卯。尚書右丞許將罷為資政殿學士。知許州。甲辰。殿中侍御史上官均言。右丞許將不當罷執政。中丞蘇轍。侍御史孫升等。附會大臣。意指姦邪不忠。臣竊聞外議。以為轍等合為朋黨。動移聖意。以疑似不明細。素合謀併力。遂一執政。自此大臣人人不得安位。表伏乞早賜施行。以協中外之望。詔罷

永樂大典

卷三九九

均知廣德軍。丁未以職為龍圖閣學士。六年辛未二月庚寅朔。辛卯門下侍郎劉執為尚書右僕射兼中書侍郎。癸巳以職為中大夫守尚書右丞。有辭免劄子四百。職言兄執召選本除吏部尚書以臣之故除翰林學士承旨臣之私意尤不違事乞寢新命與兄執同備從官詔不許。有謝表二。己酉有謝生日表二首。八月辛亥以職為龍圖閣學士。知穎州。有次韻子瞻感舊詩有乞外任劄子。十月庚戌上朝獻景靈宮因幸太學。有車駕視學。甲戌以王筆得罪自劾家居待罪遣中使賜詔不允。十一月乙酉朔右僕射劉摯以觀文殿學士知鄆州。庚子監察御史安鼎罷知絳州先是鼎與趙君錫賈易同造飛語誣罔兄執忠逆之罪君錫易既誦去鼎猶在言路復因王筆事攻職甚急宣仁察其誣故斥黜之。辛丑中書侍郎傅光俞有規辭。十二月乙卯朔張文定公方平卒。甲戌有祭方平文。丁丑有李簡夫少卿詩集序。七年壬申二月癸酉有生日謝表二首。四月以職攝太尉充冊皇后告期使。五月戊戌立皇后孟氏。六月辛酉以職為大中大夫守門下侍郎有辭免劄子一首表二首。謝表二首。八月有祭文與可及文逸民文二首。癸酉故龍圖閣學士滕甫葬有甫祝詞二首。九月壬辰太皇太后垂簾三省進呈翰林

永樂大典卷三九九

十

學士顧臨等郊祀議。太皇太后曰且依仁宗先帝故事呂大防蘇頌與職請合祭唯范百祿議不同甲午再進呈翌日太皇太后宣諭曰皇帝即位以來未嘗親祀天地今且合祭宜有名也。令學士院降詔。十一月癸巳合祭天地于圓丘大赦天下有進郊祀慶成詩并狀以郊祀恩特加護軍進開國伯食實封二百戶有乞免加恩表二首。謝加恩表二首。八年癸酉正月癸巳有次韻子瞻上元扈從觀燈詩。二月丁卯有謝生日表二首。三月丁亥監察御史董敦逸言職及范百祿差除不當事留中不下職奏臣近以御史董敦逸言川人大盛。若知梓州為如悔不當指為臣進。遂共劄子及面陳本末。奉宸德音宣諭察敦逸之妄而以臣言為信。臣德望淺薄言者輕相誣罔若非聖明在上。心知邪正所在則孤危之域難以自安。切詳敦逸所言謂馮如晦事乃其前狀所言之一則其餘事不可不辨。遂乞一一付外施行。復蒙再三宣諭以謂其他別無實事。伏惟聖恩深厚。知臣愚拙。曲加庇護。仰祈恩造。死生不忘。然臣忝備執政。知人言臣過惡而嘿然不辨。實難安職。陛下愛臣雖深而不令臣得知敦逸所言。臣竊有所未諭也。若敦逸所言果中。臣病何惜使臣引去以謝朝廷。若敦逸所言不實。亦使臣略加別白。然後出入左右。粗免愧耻。如不蒙開允。非所以

受臣也。所有董敦逸言臣章疏。伏乞早賜付三省施行。己丑。有北流軟
 暹劉子。四月甲子。以李清臣為吏部尚書。哈事。中范祖禹封還詔書。進
 呈不允。轍於簾前極論之。已卯。罷。五月丙申。董敦逸罷。知臨江軍。六
 月己未。賜知穎昌府范純仁詔書召赴闕。七月丙子。以純仁為右僕射
 兼門下侍郎。八月丙申。張方平罷。有祭方平文并挽詞。辛酉。太皇太后
 不豫。壬戌。呂大防范純仁蘇轍鄭雍韓忠彥劉奉世入問聖體。九月戊
 寅。太皇太后高氏崩。乙酉。詔轍撰大行太皇太后謚冊文。癸巳。有祭兄
 嫂同安郡君王氏文。十一月戊子。三省樞密院同進呈。中書舍人呂希
 純封還劉惟簡等除內侍省押班詞頭。上曰。禁中闕人。兼亦有近例。呂大
 防奏曰。雖有此眾論。頗有未安。轍曰。此事非謂無例。蓋為親政之初。中外
 拭目以觀聖德。首先權用內臣。故眾心驚疑耳。然臣等昨來聞陳不盡。不
 能仰回聖意。致使宣布於外。以至有司封駁。此皆臣等之罪。劉奉世曰。雖
 有近例。外人不可戶曉。但以率先施行為非耳。大防曰。致令人言。說讀聖
 聽。此實臣罪。今若不從其言。其餘舍人亦必未肯奉行。轉益滋章。於體不
 便。臣聞太祖一日退朝。有不悅之色。左右覺而問之。太祖曰。適對臣僚指
 揮。事有失當。至今悔之也。以此見人君不以無夫為明。以能悔而改之為

水滸大觀卷之三十九

十一

吾耳。上釋然曰。除命且留。俟祈廟取旨可也。轍又奏。竊聞仁宗聽政之初。
 即下手詔。凡內批轉官。或與差違。並未得施行。仰中書樞密院審取處分。
 史臣記之曰。是時上方親閱庶政。中外聞之。人情大悅。正與今日事相類
 矣。大防等知上從善如流。莫不欣幸。壬辰。轍言奉教撰大行太皇太后謚
 冊文。謹先進呈。詔恭依。壬寅。轍奏准教。差篆太皇太后謚寶文。據大常
 寺狀。合依所請到。論。以宣仁聖烈皇后之寶為文。十二月己巳。群臣詣
 慶壽宮。上大行太皇太后謚冊。紹聖元年甲戌。正月丁丑。詔禮部給
 度牒十付。京東等路體量賑濟司募人入粟。二月。司農卿王孝先言賑濟
 之餘。軍糧匱竭。又送伴北使張元方等還。言相得等州飢民眾多。倉粟空
 虛。轍見范純仁鄭雍議曰。此事豈可不命上知。二人皆不欲曰。侍郎何以
 為計。却恐上問及。轍曰。雖未知所出。然當命上知之。昔真宗初即位。李沆
 作相。每以四方水旱盜賊聞奏。參知政事王旦謂沆曰。今天下幸無事。不
 宜以細事撓上聽。沆曰。人主年少。當令聞四方艱難。不爾。侈心一生。無如
 之何。吾老不及見。此參政異日憂也。純仁曰。善。劉奉世曰。誠宜先白。若上
 先言。極不便。既而純仁奏。近日張元方自河朔來。言流民甚眾。轍曰。元方
 言相州見養流民四萬餘人。通利軍一萬餘人。滑州二千餘人。然軍中月

糧止支一斗。其餘盡令出倉。蓋倉原已空矣。恐別生事。上曰。爲之奈何。撤曰。濟州已支山陵餘糧萬石與之。可以支持兩月耳。兼京東賑濟司准備糧食太多。提刑司又太多。已令安撫轉運司再相度矣。俟見得去者。更議應副。又京城賑濟應副備至。然首倉軍糧。止有二年。五月。備臣曾令王孝先具的實數子在此。上曰。何其寡備至此。撤曰。非一日之故。蓋累年官賣米太多。去年臣曾與呂大防商量。限市價九十已上。乃出糶。今爲飢饉。止賣六十。蓋不得已也。熙寧初。臣在條例司。竊見是年有九年以下糧。上曰。酒九年乃可。撤曰。九年未易遽置。但陛下常以爲意。慎事惜費。令三五年間。有三五年備。亦漸可也。臣之愚意。以爲朝廷新經大喪。繼以飢饉。臣之若災止如此尚可。萬一更水旱。何以繼之。方今正是君臣恐懼脩省之日。不可不知耳。丁未。以戶部尚書李清臣爲中書侍郎。兵部尚書鄧溫伯爲尚書右丞。二人久在外不得志。遂以元豐事激怒上意。清臣尤力。己酉。葬宣仁聖烈皇后于永厚陵。撤有挽詞二首。己未。虞王祔廟。三月。策試進士。李清臣撰策題。耶爲邪說。以扇惑群聽。撤上疏曰。伏見御試策題。歷詆近歲行事。有欲復熙寧元豐故事之意。臣備位執政。不敢不言。然

臣竊料陛下本無此心。其必有人妄意陛下牽於父子之恩。不復深究是非。遠慮安危。故勸陛下復行此事。此所謂小人之愛君。取快於一時。非忠臣之愛君。以安社稷爲悅者也。臣竊觀神宗皇帝。以天縱之才。行大有爲之志。其所施設。屢越前古。蓋有百世而不可改者也。臣請爲陛下指陳其略。先帝在位近二十年。而終身不受尊號。裁損宗室。息止祖免。減朝廷無窮之費。出賣坊場。雇募衙前。免民間破家之患。罷黜諸科誦數之學。訓練諸將。備情之兵。置寄祿之官。復六曹之舊。嚴重祿之法。禁交損之私。行淺攻之策。以制西戎。收六色之錢。以寬雜役。凡如此類。皆先帝之睿養。有利無害。而元祐以來。上下奉行。未嘗失墜者也。至於他事。有失當。何世無之。父作之於前。子效之於後。前後相濟。此則聖人之孝也。漢武帝外事四夷。內興宮室。財用匱竭。於是脩鹽鐵。權酤均輸之政。民不堪命。幾至大亂。昭帝委任霍光。罷去煩苛。漢室乃定。光武顯宗。以察爲明。以謙決事。天下恐懼。人懷不安。章帝即位。深鑒其失。代之以寬。豈弟之政。後世稱焉。及我本朝。真宗皇帝。右文偃業。號稱太平。群臣因其極盛。爲天書之說。及章獻明肅太后臨御。攬大臣之議。咸書梓宮。以泯其迹。仁宗聽政。亦絕口不言。天下至今避之。英宗皇帝。自藩邸入繼。大臣週討創濮廟之議。朝廷爲之洵

洵者數千。及先帝嗣位。或請復舉其事。復而不答。遂以安堵。夫以漢昭帝之賢。與吾仁宗神宗之聖。豈其專於孝敬。而輕事變易也哉。蓋有不可不以廟社為重故也。是以子孫既復。孝敬之實。而父祖不失聖明之稱。此真明君之所務。不可與流俗議也。臣不勝區區願陛下反覆臣言。慎勿輕事改易。若輕變九年已行之事。擢任累歲不用之人。人懷私忿。而以先帝為訶。則大事去矣。奏入不報。再以劄子面論之。上不悅。曰。人臣言事。何所寄。但卿昨日以劄子奏。謂機事不可宣于外。請秘而不出。今日乃對衆陳之。且引漢武帝以上比先帝。引喻甚失當。轍曰。漢武帝明主也。上曰。卿所奏言漢武帝外事四夷。內興宮室。立鹽鐵。推酷均輸之法。其意止謂武帝窮兵黷武。末年下哀痛之詔。豈明主也。范純仁進曰。武帝雄材大略。史無貶詞。况轍所論事與時也。非論人也。上意稍解。轍退。上奏。今者偶因政事。懷有所見。輒欲傾盡。以報知遇。而天資闇冥。不達機務。論事失當。冒犯天威。不敢自安。伏乞聖慈。憐臣不識忌諱。出於至愚。少寬刑誅。特賜屏逐。以允公議。李鄧從而媒孽之。丁酉。除端明殿學士。知汝州。告詞略曰。文學風節。天下所聞。擢任大臣。本出朕意。事有可否。固宜指陳而言。或遇中引義。非是。朕雖曲為含忍。在爾自亦難安。原誠終是愛君。薄責尚期改過。上批。蘇

轍引用漢武故事。比擬先帝。事體失當。所進入詞語。不著事實。朕進退大臣。非率易也。蓋義不得已。可止。以本官知洪州。仍別撰詞。進入制曰。朕以眇躬。上承烈考之緒。夙夜祇飭。懼無以丕揚休功。竊賴左右輔弼之臣。克承厥志。其或身在此地。倡為姦言。怖於衆聞。朕不敢赦。太中大夫守門下侍郎蘇轍。頃被選擢。與閣事。機義當協恭。以輔初政。而乃忘體國之義。徇習非之私。始則密奏。以指陳。終於宣言。而眩聽。至引漢武。上方先朝。欲以窮奢黷武之姿。加之經德東哲之上。言而及此。其心謂何。宜解東臺之官。出守列郡之寄。尚為寬典。姑務省循。可特授依前太中大夫知汝州。四月壬戌。轍至汝州。有謝上表。是日以提舉杭州洞霄宮章惇為尚書左僕射。兼門下侍郎。右僕射范純仁罷。為觀文殿大學士。知穎昌府。丁卯。有謝兩文。有汝州楊文公詩石記。五月癸卯。侍御史虞策。侍御史來之邵。并亮采言。轍近以論事失當。責守汝州。而吳安詩草制。有風節。天下所聞。及原誠本於愛君之語。命詞非刺如此。質之公議。難追典刑。又監察御史郭知章言。安詩行蘇轍語。重輕止徇於私情。褒貶不歸於公議。不加點責。何以懲戒。詔安詩罷起居郎。乙巳。虞策言。太中大夫知汝州蘇轍。引漢武帝比先朝。止守近郡。請達請。以懲其咎。上曰。已請矣。可止也。乙丑。

永樂大典

卷二二九九

有龍興寺吳直殿記。六月甲戌右正言上官均言近具劄子論奏前宰臣呂大防門下侍郎蘇轍擅權欺君竊弄威福及前御史中丞李之純等朋邪誣罔同惡相濟乞明正典刑以服中外既及旬浹未蒙施行臣以爲人主之所以臨制天下爲腹心之臣者莫重於執政爲耳目之官者莫重於諫官審詔詰慎出納者莫重於舍人給事方大防蘇轍擅攝國柄不畏公議引用柔邪之臣如李之純輩充塞要路以固寵祿又以張未恭觀撰次國史曲明大防輩改變法度之功是以人主賞罰私其奸惡其惡一也。同時執政如胡宗愈許將劉摯蘇頌皆以與呂大防蘇轍議論異同轍陰諭諫官御史死力排擊卒皆斥罷敢以姦謀轉移陛下腹心之臣易於反掌其罪二也李之純頃在成都與呂大防相善大防東政引用之純爲侍郎又除知開封府之純尹京無狀又府舍遺火延燒殆盡法當譴責反挾私愛擢爲御史中丞楊畏廉策來之邵等皆任爲諫官御史是四人者傾險柔邪嗜利無耻其所彈擊者皆受大防蘇轍密諭或附會風指以濟其欲是以天子耳目之官佐其喜怒以塗蔽朝廷之視聽其罪三也舍人主出制命給事主行封駁命今有未善差除有未當皆許繳駁如范祖禹喬執中吳安詩呂希純四人者皆附會呂大防蘇轍奸惡隨意上下不恤公

永樂大典卷二二九九

十四

論其所繳駁者皆大防蘇轍之所惡其所掩蔽者皆大防蘇轍之所愛是以天子掌誥命出納之臣濟其奸惡其罪四也呂大防自爲執政以至宰相凡八九年最爲歲冬蘇轍執政雖止三四年而強狠徇私尤甚如進壞先帝使法官制學校科舉之制士民失業棄先帝經畫塞徽要害之地招西戎使侮邊陲之志至今未弭其罪五也呂大防蘇轍身爲大臣我當竭忠盡公以輔佐人主乃便辟柔佞陰結宦官陳衍伺探宮禁密旨以固寵祿其罪六也大防蘇轍同惡相濟固非一日李之純楊畏廉策來之邵爲朝廷耳目曾不糾察反陰相黨附以圖進用御史黃慶基董敦逸情發彈奏蘇轍等專權之罪罷斥爲轉運判官李之純楊畏來之邵希附執轍等反指慶基敦逸以爲誣陷忠良不當更除監司遂諭守軍營陛下既親機務洞分邪正執轍既已斥罷來之邵輩方始奏論其朋邪同上趨時附勢情狀明白衆所共知非臣之私言臆度也李之純既已罷免尚書謫守單州今楊畏尚爲禮部侍郎來之邵爲侍御史虞策爲起居郎喬執中爲給事中范祖禹呂希純雖出守外郡皆尚除待制罪同罰異此中外之所未諭也議者以爲李之純柔懦無能適爲中丞其所附呂大防蘇轍指意彈擊皆楊畏來之邵朝夕說諭曾持爲之一子姦險適於之純之純既

已斥謫而二人尚居清要。嗚然自得。曾不愧避。臣聞治國之要。莫先於辨邪正。欲辨邪正。莫若驗之以事。今楊畏輩邪險之情。皆已明驗。若不加斥。遠方倖安。要近則是邪正兼容。忠佞雜處。蓋敗國政理之必然。竊觀陛下自親機務。收還權會。大防蘇轍黨人十已去七。然楊畏等六人尚居清要。未快士論。伏望陛下考察呂大防蘇轍擅權欺君。姦邪不忠之罪。推究楊畏等朋邪害正。趨時反覆之惡。謹責黜免。明正典刑。以示天下。制曰。事君者有犯勿欺。所以盡為臣之節。無禮必逐。豈容迷慢上之誅。大中大夫知汝州蘇轍。父子兄弟。挾讎權。變詐之學。驚愚惑衆。轍昔以賢良方正對策于庭。專斥上躬。固有異志。有司言轍陳姦未忠。如漢谷永。宜在罷絀。我仁祖優容。特命以官。在神考時。獻書縱言時事。召見詢訪。使與討論。與執大倡醜言。未嘗加罪。仰惟二聖厚恩。宜何以報。垂簾之初。老姦擅國。置在言路。使詆先朝。以君父為仇。無復臣子之義。懷伎深阻。出其天資。援引猥浮。盜竊名器。專恣可否。請敢誰何。至與大防中分國柄。罔上則合謀取勝。狗私則立黨相傾。辨嫉忠良。眩亂風俗。既洞察險謀。猶肆誕謾。假設虛詞。規喧朝聽。比雖薄責。未厭公言。繼覽奏封。交疏惡狀。維爾自廢忠順之道。而予務全終始之恩。甫屈刑章。尚假民社。往自循省。毋違後愆。可特降左

永樂大典卷三千九百九

十五

朝議大夫知東州。七月丁巳。三省言近聞朝廷以呂大防劉摯蘇轍落職降官。然知小郡。臣始以謂陛下慈厚不欲盡言。姑示薄責而已。今觀制詞在大防則曰。睥睨兩宮。呼吸群助。誣累慈訓。包藏禍心。在劉摯則曰。誣詆聖考。愚視朕躬。窺伺禁省。密為離間。在轍則曰。老姦擅國。肆詆先朝。以君父為仇。無臣子義。既及此矣。則罪重誦輕。情法相遠。伏望更加詳酌。以正其罪。監察御史周執言朝廷議呂大防劉摯落職降蘇轍三官。貴知小郡。臣愚竊以為未也。大防等罪尚可以為民師。帥于然大防與摯始責。姑易地再施行。猶可也。轍之責已再三矣。而止於降官。則不若未責。而更容臣等極論之也。臣愚謂大防等罪不在蘇轍之下。大防摯轍是皆言之。而又行之者也。蓋大防等所言所行皆害先朝之事。彼得罪於先朝而輕論之。它日有得罪於陛下者。而重論之。於義安乎。呂惠卿以沮難司馬光罪。至散官安置。則為人臣者寧犯人。勿犯權臣。為得計也。且摯與轍讎斥先朝。不減於轍。大防又用轍之所謀所言。而得罪輕於蘇轍。天下必以為非。詔司馬光呂公著各追所贈官并謚告。及追所賜神道碑額。降授左正議大夫知隨州。呂大防守本官。行秘書監。分司南京鄆州居住。降授左朝議大夫知黃州。劉摯守本官。行秘書卿。分司南京鄆州居住。降授朝議大

去。知袁州。轍守本官。試少府監。分司南京。筠州居住。轍在郡有異政。既罷去。父老送者。皆嗚咽流涕。數十里不絕。八月。過真州。有阻風詩。行至江州。彭澤縣。被筠州之命。九月。癸亥。至筠。有謝表。二年乙亥。正月。士去。次韻。兄惠州上元見寄詩。甲辰。有曹路卓錫泉銘。二月二十五日。有古史後序一首。九月。戊申。道進。贈老卒。有塔碑。辛未。鑿明堂。大赦天下。轍有賀表。三年丙子。二月。有盆中石菖蒲。忽生九花一首。三月乙未。有祭宵月大師文。并送成都僧法舟西歸詩。四年丁丑。二月。庚辰。三省言。呂大防。劉摯。蘇轍。為臣不忠。朝廷雖嘗懲責。而罰不稱。懲其餘。同惡相濟。幸免者甚衆。亦當置罪。示有懲艾。詔大防。責舒州團練副使。補州安置。劉摯。禹州團練副使。新州安置。又制曰。朋姦擅國。責有餘辜。造誣欺天。理不可赦。其加顯黜。以正刑。降授左朝議大夫。試少府監。分司南京。筠州居住。蘇轍。傾側孽臣之心。扶縱橫策士之計。始與兄軾。肆為詆欺。晚同相光。協濟險惡。造無根之詞。而欺世。聚不逞之黨。以蔽朝。謂邪說為諫言。指善政為苛法。矯誣太后。愚弄冲人。助成姦謀。交毀先烈。發怨怒於君臣之際。忘忌憚於父子之間。陰懷動搖。公肆排訐。粵予親政。尚爾撓權。持罔上之素心。為怙終之私計。罪同首惡。法在嚴誅。而事久益彰。罰輕未稱。朕願瞻

嚴廟。跋念裕陵。義不敢私。恩難以貸。燕居散秩。投置遐陬。非徒今日知取衆之威。亦使後世識為臣之義。勉思寬宥。務蓋往愆。可責投化州別駕。雷州安置。閏二月甲辰。軾責授瓊州別駕。昌化軍安置。五月甲子。兄弟相遇於藤。相與同行。六月丁亥。至雷州。有謝到州表。癸巳。軾與轍相別。渡海往昌化。有和子瞻過南海詩。十月。軾有停雲詩寄轍。轍次韻答之。十一月己卯。廣西經略安撫司走馬承受段誠。言知雷州張運。周恤安置人蘇轍及軾兄弟。與之同行。至雷州。請下不干礙官司。按罪。詔從舉。荆湖南路常平董必。具實狀以聞。十二月癸未。新州安置劉摯。辛巳。有和陶詩集序。元符元年戊寅。二月。軾以轍生日。有沈香山子賦贈轍。轍和以答之。丙申。詔差河北路轉運副使呂升卿。提舉荆湖南路常平董必。並充廣南東西路察訪。時有告劉摯在政府日。謀廢立者。章傳蔡卞。欲因是起大獄。箱表。悉按誅元祐臣僚。故遣升卿等。戊申。長星見。三月癸亥。詔呂升卿等。左充廣南東西路察訪。指揮。更不施行。癸酉。提舉荆湖南路常平董必。言朝請郎知雷州張運。於轍初到州日。同本州官吏門接。次日為具召之。館於監司行衙。又令轍進見人吳國鑑。宅居止。每月奉一再移厨管待。轍差借白直七人。海康縣令陳某。追工匠。應副國鑑脩宅。

詔轍移循州安置。運動停謫銜替。八月。轍主循州。寓居城中之聖壽寺。已乃哀橐中之餘。鬻之得五十千。以易民居大小十間。北垣有隙地。可以毓蔬。有井可以灌。乃與遊。荷鋤其間。州民黃氏。官學家也。有書不能具。時假其一。二讀之。題白樂天文集後。二年。己卯。有巢谷者。自眉山徒步訪轍於循州。又將見軾於海南。行至新州而卒。年七十三。轍為之傳。四月二十九日。有龍川略志序。七月二十二日。有龍川別志序。閏九月丁丑。有春秋傳後序。戊寅重陽。有與父老小飲四絕。十一月辛未。有祭孫婦黃氏文。三年庚辰。正月己卯。哲宗崩。徽宗即位。庚辰大赦天下。二月癸亥。轍量移永州安置。轍有次韻子瞻和陶淵明雜詩十一首。四月庚戌。元子生。辛亥赦天下。丁巳。轍移岳州。勅曰。朕即祚以來。哀士大夫失職者衆。雖稍收叙。未厭朕心。茲者天祚予家。提生上嗣。國有大慶。奮及萬方。解網卹辜。何俟終日。責授某官蘇轍。權自先帝。與聞政機。坐廢累年。在約彌厲。漸還善地。仍昇兵團。可濠州團練副使。岳州居住。轍歸至處州。被命有謝狀。十一月癸亥朔。勅曰。朕初踐祚。思赴治功。數求俊良。常恐不及。念雖廢棄。不忍遐遺。轍富有藝文。嘗預機政。謫居荒裔。積有歲時。稍從內遷。志節彌厲。昭還故秩。仍領真祠。朕我異恩。無忘報稱。可特授大中大夫。提舉鳳翔府上清宮外州軍任便居住。至鄂州。被命有謝表。有田在潁昌府。因往居焉。徽宗建中靖國元年辛巳。正月己巳。中太一宮使范純仁卒。轍有祝詞。甲戌。欽聖憲肅皇后向氏崩。有慰表。并祝詞三首。三月丙子。有祭東莖文。戊寅。有鮮于侁父母增告跋。五月丙戌。欽聖憲肅皇后神主祔于廟室。轍有慰表二首。七月丁亥。軾卒于常州。九月癸亥。有祭文。十月。有追和軾歸去來詞。十一月庚辰。祀南郊。赦天下。轍有賀表。十二月庚寅。王東美器之妻蘇氏卒。有墓誌。丙申。有祭范子中朝散文。崇寧元年壬午。三月戊午。跋巢谷傳。四月丁未。有祭王氏嫂文。五月丁卯。有祭兄文。是月庚午。詔蘇軾追贈崇信軍節度行軍司馬。其元追復舊官告繳納。蘇轍更不叙職名。乙亥。詔蘇轍等五十餘人。合三省籍記姓名。更不得與在京差遣。閏六月癸酉。葬軾于汝州郟城縣小我眉山。有墓誌銘。有再祭八新婦文。戊寅。詔轍降為朝請大夫。以銓品責籍之時。差次不倫。故也。有謝表。八月丙子。詔司馬光等子弟。並不得任在京差遣。太常寺太祝蘇遠。與外任合入差遣。十一月十三日。有雪詩。二年癸未。正月。補子瞻謫居儋耳。唐佐從之。學遠居蔡州詩。二月寒食詩。己巳。有癸未生日詩。三月甲午。跋楞嚴經有六孫名字說。

永樂大典

卷二二九九

辛丑。春盡詩。次日立夏。四月戊午。有夢中詠醉人詞。六月庚午。有立秋偶作。九月乙酉。有九日詩。乙巳。有立冬聞雷詩。十月。有罷提舉太平宮。欲遷居穎昌詩。十一月癸卯。有次進韻對雪一首。三年甲申。正月庚寅。遷穎昌。有甲申歲設醮青詞。三月丙子。有上巳日久病不出示兒姪詩。辛卯。有葦東齋詩。拜初得南園詩。六月。詔頒元祐姦黨姓名三百九人刻石諸州。七月丁酉。有記夢詩。有抱一頌。有葦居五首。有歲暮口號二首。四年乙酉。正月戊寅。有雪後小酌贈內詩。三月庚戌。有喜雨詩。五月。和遲田舍雜詩九首。七月甲寅。詔元祐宰執墳寺特免毀拆。不得充本家功德院。並別賜敕額為國焚修。冬至雪詩。有歲暮二首。除夜詩。五年丙戌。正月戊戌。出西方。丁未。大赦天下。毀元祐姦黨石刻。三月辛亥。提舉南京鴻慶宮范純禮卒。純禮字彝叟。有祭文。己未。姪孫元老中進士第。有次遲韻贈陳天倪秀才。并送元老歸鄉詩。有秋社分題詩。有築室示三子詩。有中秋無月二首。九日獨酌三首。九月。有穎濱遺老傳。及樂城後集序。十月庚戌。有大雪詩。是時行大錢。雷十。民以為病。故詩中及之。十一月八月。有夢中反古菖蒲詩。有守歲詩。大觀元年丁亥。正月庚戌。詔應係籍宰執墳寺曾經放罷者。並給還。輒有謝表。

永樂大典卷二二九九

十八

二月。有丁亥生日詩。七月乙酉。有苦雨詩。有醜重陽酒詩。有九日詩。有初成遺老齋。倚月軒藏書室。三詩。有送少子進赴蔡州酒官詩二首。有論語拾遺二十七章。十一月乙丑。詔八寶初成。可於來年正月用之。二年戊子。正月壬子。有正旦詩。是日帝受八寶。故天下輒復朝義大夫。遠中大表。皆有謝表。并焚黃文。有七十吟。二月。有生日詩。有八寶詩。有夏至後得雨詩。八月癸巳。有移花詩。十二月壬辰。有伐雙親詩。有除日詩。書老子解後。三年己丑。有上元夜造勸至西禪觀燈詩。二月庚寅。有望日雪詩。進自淮康歸觀。逾旬而歸。有送行詩二首。八月。有中秋新堂看月詩。九月。有重九陰雨。病中把酒示諸子詩。有巳丑除日詩。四年庚寅。有新春五絕。有上元雪詩。閏八月辛亥。有雨中秋詩。辛酉。有菊有黃花詩。有除夜二詩。政和元年辛卯。有正月十六日一首。有七十二歲作一首。有七夕詩。重九詩。十月戊午。有雪詩四首。有冬至詩。除日詩。有樂城第三集序。卜居賦。再題老子解後。二年壬辰。有壬辰年寫真贊。二月。有壬辰生日記。胷中所懷自作一首。五月十九日。有喜雨詩。有送蓮赴登封丞詩。八月辛亥。題蔡敬先海外所集文後。九月庚申。有墳院記。是月壬午。中大夫輟轉太中大夫致仕。輒居穎昌十三年。穎昌當往

宋之衝轍杜門深居者書以為樂。謝邵賓客。口不談時事。意有所感。一寓於詩。人其能窺其際。十月三日。撒卒。年七十四。十一月乙未。遣復端明殿學士。特賜宣奉大夫。七年三月二十五日。夫人史氏卒。同葬汝州。郟城。將上瑞里。三子。暹。字伯充。官至太中大夫。工部侍郎。徽猷閣待制。紹興二十五年。卒。遠。字仲南。官至承議郎。通判廣信軍。宣和四年。卒。遠。字叔寬。官奉議郎。通判瀘州。潼川府。靖康元年。卒。五女。文務光。王適。曹煥。王浚。明曾。煥。其婿也。務光。字逸民。通。字子立。煥。字子文。縱。字子元。矩。遠。二子。簡。葉。遠。三子。種。範。葉。遠。四子。筠。廣。相。登。輟。有詩傳二十卷。春秋集傳十二卷。老子解二卷。樂城集後集第三集共八十四卷。應詔集十二卷。子瞻評其文。以為子由之文。實勝僕。而世俗不知。乃以為不知其人。深不顧人知之。其文如其為人。故汪洋澹泊。有一唱三歎之聲。而其秀傑之氣。終不可沒。輟少讀太史公書。思其疎畧。漢景武之間。尚書古文。詩毛。昏。春秋左氏。皆不列於學官。世能讀之者少。故其所記。堯舜三代之事。多不合聖人之意。戰國之際。諸子辯士。各自著書。或增損古事。以自信其說。一切信之。甚者至採世俗之語。以易古文。舊說。及秦焚書。戰國之史。不傳於民間。秦惡其議已也。焚之。畧盡。幸而野史一二存者。遠亦未暇詳也。故其記戰國。有數年不書一事者。於是因遠之舊。上觀詩書春秋。旁取戰國策。及秦漢雜錄。起伏叢神農。訖秦始皇。帝為七本紀。十六世家。三十七列傳。謂之古史。凡六十卷。晚在海康。刊定舊解。老子寄于瞻。子瞻題其後曰。昨日子由寄老子新解。讀之不盡。卷廢。卷而歎。便戰國有此書。則無商鞅。韓非。使漢初有此書。則孔老為一。使晉宋間有此書。則佛老不為二。不意老平見此。奇特及歸。穎昌時。方詔天下焚滅元祐學術。輟教諸子錄所為詩春秋傳。古史。子瞻易書傳。論語說。以待後世君子。後作易說三翼。及論語拾遺。以補子瞻之闕。其論大衍之數五十七。天地之數五十。有五。盡掃古今學者增損附會之說。傳其本真。既歿。福等述其緒訓。為穎濱遺語一卷。紹興中以進。貴。果贈太師。封魏國公。史氏楚國太夫人。

永樂大典卷三千三百九十九

十九

永樂大典卷之二千三百九十九

